

Gom-koεεg sēn nafde, n kō lɪslaam paalā

Sεglgā

Muhammad Aššahrii

1441 – 2020

Ne Wēnd Yuurā Albarka, sēn yaa Dūni gūbg n yols Naabā, n yaa yaoolem daar welg n yols Naabā

Gomd tuusgo

Ad pēgr be ne Wēnde, tɪ d pēgd-A la d kot-A sōngre, la d kot-A yaafa, la d kot Wēnd gūudum n yi d mensā wēnga la d tuumā wēnga. Wēnd sēn kānd a soaba, ned pa tōe n menes-a ye, la A sēn menes a soaba, kāndgd pa be ne-a ye, la m maanda kaseto, tɪ Soab hakuk pa be rēnda Wēnde, A yaa Yembre, lagm-n-taag pa be ne-A ye, la m maand kaset t'a Mohammad yaa A yamba la A Tēn-tuuma.

Rē loogre poorē:

Wēnd waooga a Adam koambā la A yus-ba A bōn-naandsā wusg fāa zugu, A yeelame A naam zēkame: (La sɪda Tōnd waooga a Adam koambā) [Al-ɪsraa'u: 70] La A paasa zāmā-kāngā waoogrā n tums b nengē, A Nabiyaam-dāmba sēn yudā wā a Muhammad -Wēnd puusg la A tɪlgr be a yīnga- la A sik n kō-ba A gaf-rāmba sōmblem sēn yudā, sēn yaa Alkurāan wagellā, la A yar b yīnga dīin-rāmbā A sēn tuk n kō nebā zɪslem sēn yudā wā, yē me la lɪslaoongā, A yeelame, A Naam zēkame: (Yāmb yaa zāma sēn yud sōmblem tɪ b yus-b neba yīnga, yāmb sagenda ne manegre, la y gidgd sēn kisā, la y kōt sɪd ne Wēnde, la tɪ Gafā rāmb sā n da kō sɪda, rag n na yɪ sōma ne-ba, sɪd kōtɪb n be b pugē, la b wusgā fāa yaa Dīin-yitba) Aalu-imraan: 110. La sēn be Wēnd neema kāsemsā pugē A sēn maane n kō nɪnsaalā yaa A sēn na n lok-a ne kāndgre n tug lɪslaoongā, la tablgo a zugu, la tum ne a buud-rāmba la Šari-rāmbā, la be seb-kāngā pugē bedremā sēn yaa kɪdgā tɪ sēn be a pugē wā yaa bedrā, tuub paalg karemda būmb ninga a sēn pa sōmb n zɪ-a a lɪslaoongā singrē ne na-kēndr sēn kuug koεεga, n vēnegd n wīnigd-a dīin-kāngā sēn yaa zɪsgā todsā, halɪ t'a sā n wa fahm-a n tum wala a sēn togsā a kēeda bāngrā baaob pugē la wusgr a pugē sēn na yɪ t'a minimā ne a Soabā paase, A naam zēkame, la a Nabiyaamā - Wēnd puusg la A tɪlgr be a yīnga-, la a Dīina sēn yaa lɪslaoongā; t'a tūud Wēnde ne vēnem la bāngre, t'a sūurā yōgneg t'a sɪd-kūuna paasdē ne a sēn pēnegd Wēnd ne tūudmā, la a Nabiyaamā Sunnah pugb a Muhammad- Wēnd puusg la A tɪlgr be a yīnga-, La Wēnd la m kot bark gom-bill fāa sēn be seb-kāngā pugē, la A naf ne-a lɪslaoongā la lɪslaambā, la A maan-a tɪ yaa Yē A yembr yīnga, la A kō a keorā lɪslaambā fāa gilli, sēn vɪ la sēn kɪ. La Wēnd na puus la A tɪlg tōnd Nabiyaamā a Muhammad, la a zak rāmbā la a Šahaabsā gilli. Muhammad Ibn Aššubah Aššahrii

2 / 11 / 1441 H

Mam Soabā yaa Wēnde

A yeelame, A Naam Zēkame: (yaa yāmb a nebaa, tū-y y Soabā, sēn naana yāmb la sēn dengb yāmb taorā, tɪ sānd-sānde y na paam Wēnd-zoεεga) [Albakara 21] A yeelame A Naam Zēkame: (Yē la Wēnde! Soab sēn kae tɪ sā n pa Yēnda) [Al-hašru: 22]. A yeelame, A Naam Zēkame: (Būmb pa be n wōnd-A ye, la Yēnda la wumda n yaa neta) [Aššuuraa: 11]

- Wēnde la mam Soaba.la būmb fāa Soaba, sēn yaa Soaada, sēn yaa Naanda, n yaa Rɪlgda, n kēnesd būmbā fāa gilli.

- Yēnda A Yembr tāa n sōmb ne tūudum, soab ka be tɪ sān ka Yē ye, soab tūudug me ka be tɪ sā n ka Yē ye.

- A tara Yui sēn manege, la sɪf-rāmb sēn zēke, A sēn tablg ne A Menga, la A Nabiyaamā me leb n tablg A yīnga, Wēnd puusg la A tɪlgr be a yīnga, taa tēkē, pidbē la sōmblem, la būmb ka be n yaa wala Yē ye, Yē me n yaa Wumda, n yaa Neta.

Sēn yɪ A yui wā sēn manegā pugē:

A yaa Rɪlgda, n yaa Yolsg Naaba, n yaa Tōogda, n yaa Naaba, n yaa Wumda, n yaa Tɪlgre, n yaa Neta, n yaa b sēn Bobend a soaba, n yaa Naanda, n yaa Bugsgo, n yaa Sɛkda, n yaa Yaafda.

n yaa Rɪlgda, sēn yāsa ne yembsā rɪlgr yelle, b sūyā la b yīnsā sēn zemsd ne būmb ningā.

n yaa yolsg Naaba, n yaa yols kasēng Soaba, yolsg ning sēn gūbg būmbā fāa gilli

n yaa Tōogda, n yaa tōog Soab sēn pidi, tōog ning kongr sēn ka tat-a, bas-n-vuus me ka be a pugē.

n yaa Naaba, Yēnda la b sēn sɪf ne zɪslem sɪf-rāmba la modgre la kēnesgo, n so būmbā fāa gilli, Yēnda n maand A sēn ratā a pugē.

n yaa Wumda, A wumda bōn-wumdi wā gill fāa, b sēn solg la sēn vēnege.

n yaa Tɪlgre, A tɪlgame n yɪ boogr fāa la bāaga la zanga.

n yaa Neta, n yaa Soab ning Nenemā sēn gūbg būmbā fāa gillā, baa t'a sā n tug n bāaname n paoodē, Yēnd n ne yelā fāa gilli, n yaa nimim tēng-m-biig ne-ba, n yaa sēn Lik n nē b pusā fāa gilli. b sēn bobend a Soabā, n yās ne A bōn-naandsā rlgre, n yās ne-ba, buil yīng ti b yelā na menese, Yēnda n lambg A noang-n-taasā, n maneg n yols b yīnga, la A sek-b n yi yelā fāa. n yaa Naanda, Yēnda la yelā Yusda la b Yēbgda, ti ka sēn da ges būmb a to n maan ye. n yaa Bugsgo, Yēnda n waoogd A yembsā la A yolsd-ba, la A kōt-b b sēn kote. Yēnd n sekd A yembsā, b sēn tar tulsem ne būmb ning fāa, la Yēnda me la b leb n sekd b mense ne A Sōngrā, n yi zēng sēn ka Yē fāa, b leb n sekda b mens ne-A n yi būmbā fāa gilli. n yaa Yaafda, Yēnda n gūud A yembsā n yi b zunuubā wēnga, n ka sūgd-b a zug ye. Lislaam tagsdame n getē Wēnd naanegā yel-soalema la A sēn yols yelā, sēn be rēnda pugē, yaa bon-naandsā sēn get sōma b koam-bāanegā, n tar yā-beedo n na n rlg-ba, n leb n ning b toaag a pugē hal n tall-a n ges hal t'a wa tōe n ti tik a menga, rēnd ylgir be ne sēn naana bāmbā wā, n leb n buke sēn yi A Bukrā pugē, ne A sēn segle n kō bōn-naandga būmb ningā sēn na sōng-a wā, n leb n maneg a halhaalā, n logem ne a sēn yaa valangā fāa.

Nabiyaama a Muhammad, -Wēnd puusg la A tlgir be a yīnga-

A yeelame A Naam Zēkame: (Sīd la hakuka, Tēn-tuum waa yāmb nengē sēn yi yāmb pugē, yaa toog a zug būmb ning sēn namsd yāmbā, n maan yā-beed ne yāmb na kānde, n yaa nimbāan-zoeta n yaa yolsda ne sīd-kōtbā) [Attaooba: 128]. A yeelame A Naam Zēkame: (La Tōnd pa tums foom rēndame ti yaa yolsgo ne bōn-naandsā fāa gil yīnga. [Al-Anbiya'u:107]. A Muhammad -Wēnd puusg la A tlgir be a yīnga- a yaa Yolsg ninga b sēn kō (bon-naandsā). Yēnda la a Muhammada, n yaa a Abdullaah biiga, Wēnd puusg la A tlgir be a yīnga, n yaa nabiyaam-rāmbā la tēn-tuumbā Pidsda, Wēnd tums-a lame- A Naam zēkyā- ne lislaoongā dīni, n tug nebā fāa nengē, buil yīnga t'a pēeg-b n tug sōma, la sēn tug n yūd fāa, yaa Wēnd yeembgo, la a gū-b n yi wēngā, la sēn tug n zis n yūd fāa, yaa lagem-n-taare. A tūub yaa tilae a sēn sagl būmb ning fāa gillā pugē, n leb n yaa tilae ti b sīdg-a a sēn kō kibay ninsā, la b zoe n zāag a sēn gidge la a bugsi ti b bas yel ninsā, la b ra leb n wa tūud Wēnde, rēndame ti yaa ne būmb ninga A sēn tuki ti yaa Šari n kō tōndā. A tēn-tumdā la tēn-tuumbā sēn reng taoorā fāa tēn-tumdā, yaa bool n tug Wēnd tūdūm, A Yembre, lagem-n-taag ka be ne-A ye. Sēn be A sif-rāmbē wā, -Wēnd puusg la A tlgir be A yīnga-: Yaa sīda, la yolsgo, la sū-toogre, la sugri, la sū-keelem, la kūuni, la zug-sōngo, la tēeg turga, la gāneg-m-menga, la bas-ti-looge.

Alkurāan wagellā yaa mam Soabā goama.

A yeelame A Naam Zēkame: {Yāmb a neba! Sīda tikr waa yāmb nengē sēn yi y Soabā nengē, la D sikame ti wa yāmb nengē vēenem sēn vēnegde.} [Annisaa'u: 174] Alkurāan wagellā yē yaa Wēnd gom A naam zēkame, A sēn sik a soab A Nabiyaamā zugā a Muhammad - Wēnd puusg la A tlgir be a yīnga- sēn na yil t'a yiis nebā ligsē wā n tug vēenemē wā la a peeg-b n tug so-turgā. Ned ning sēn karm-a a paamda keoor sēn yaa bedre, la sēn tumā ne a kāndegrā a nka so-turgā.

M rat n na n bānga Lislaaongā zeng-raadā

A yeelame, -Wēnd puusg la A tlgir be a yīnga-: (B mee lislaoongā zeng-raad a nu zugu, yaa maan kaset ti soab hakuk ka be ti sā n pa Wēnd ye, la a Mohammad yaa Wēnd Tēn-tuuma, la yānes ne Puusgā la yāk Zakā n kise, la Ramadaanā no-loeere, la Mak Roogā kaagre). Lislaaongā zeng-raadā yaa tūdūm-dāmba sēn zao Lislaam fāa, la ninsaal lislaoong ka manegde, rēndame t'a loe a sūurē wā ti b yaa tilae la a maan-b fāa: bala Lislaaongā mee b zug, rē n kit ti b pud-a ti Lislaaongā zeng-raado. la zeng-ra kāensā la woto: rēenem zeng-raoogā: yaa kaset maanego ti Soab kae sēn tōe n tū n tlg ti sān pa Wēnd ye, la a Mohammad me yaa Wēnd Tēn-tuuma. A yeelame A Naam Zēkame: (Bī f bāng ti sēn yalē yaa ti Soab sēn tūud n tlgd ka be rēnda Wēnde) [Muhammad: 19]. A leb n yeelame A Naam Zēkame: (Sīd la hakuka Tēn-tuum waa yāmb nengē sēn yi yāmb pugē, yaa toog a zug būmb ning sēn namsd yāmbā, n maan yā-beed ne yāmb na kānde, n yaa nimbāan-zoeta n yaa yolsda ne sīd-kōtbā) [Attaooba: 128]. Maan kaset ti Soab ka be rēnda Wēndā maana: b sēn tūud ti yaa sīd ka be rēnda Wēnde.

A Muhahmmad yaa Wënd Tën-tuumä võore: yaa sak n tū-a, a sēn saglā pugē, la a sīdgre a sēn kō kibay ninsā, la b zoe n zāag a sēn gīdg la a bugsi ti b bas yel ninsā, la b ra wa tū Wēnde rēnda ne būmb ninga A sēn tuk ti yaa Šari wā.

Zeng-raoog a yiibē soaba:yaa Puusgā yalsgo

A yeelame A Naam Zēkame: (la y yānes ne Puusgā) [Al-bakara: 110].

Puusgā yānesgā yita ne a kīsgo wala neng ning Wënd sēn saglā A Naam zēkame, t'A Tën-tuumä wīnig-a tōndā a Muhammad -Wënd puusg la A tilgr be a yīnga-.

Zeng-raoog a tāabē soaba: yaa Zakā kūuni.

A yeelame A Naam Zēkame: (la y kō Zakā) [Al-bakara: 110].

Wënd maana Zakā ti yaa tilae n yaa zarb-n-gesga ne līslaam sīd kūuna sīdem, n leb n yaa bark puusg ne a Soabā ne A sēn kō-a sēn yaa arzekā neemā wā, n leb n yaa sōngr ne talsā la tulsmā-rāmba.

La Zakā kūuna yita ne b sēn na n kīs-a neb nins sēn sōmb ne-a wā.

La a yaa hake sefi yaa tilae n be arzekā pugē t'a sā n wa ta sōor ninga, b kōt-a la kōbg a nii ti Wënd togs-b Alkurāan wagellā pugē, talg la nimbāan-ned be b pugē.

La a kūunā pugē bilgr bee beenē sēn yaa yolsgo la nimbāan-zoeere, la yilgre ne līslaam zugdā la a arzekā, la yard paoongo talsā la ninbāan-nebē wā, n kengd noanglemā la ma-biirā tōkre nebā ne taab suka līslaambā zāmā pugē, rē yīnga n kit ti līslaam tīrg a yīsda-a lame n kō ne a yōor yamleoogo t'a sūurā noom ne a kūunā, būmb ning sēn be a pugē sēn yaa sū-noog kēesg kēesg neb a taabē wā yīnga.

La arzekā Zaka yākrā a sōorā yaa 2.5% sēn yi arzek ning sēn bingā sēn yaa Sānem la Wanzur la ligdā la laogā b sēn segleg ti yaa koosem yingā n baood yōodā, t'a waooglemā sā n ta sōor sēn yāk toaaga n gilg n sog yuumd ti pidi.

Wala Zakā sēn yaa tilae ne ned sēn na n tar rūms t'a sā n ta sōor ninga (yugmā wā la niisā la rūmsā), ti b sā n yaa rūm-daagdī yuumdā rasem-dāmb wusga fāa ti pa b soabā n rīlgd-b ye.

La woto bala Zakā yaa tilae būmb ning sēn yit tēngē wā sēn yaa bōn-bēla la ti-biisā la Sānem-dāmbā la tēngā arzeg bugdsā ti b sā n ta waooglem ninga.

Zeng-raoog a naas soaba: yaa Ramadaan kiuugā no-loeere

A yeelame A Naam Zēkame: { yāmb a neb nins sēn kō sīd ne Wēndā b rogla yāmb no-loeerā wala b sēn dogl sēn deng-b yāmb taorā sānd-sānde y na zoe Wēnde} Al-bakara:183

Ramadaana yē: la kiuug a wae soaba sēn yaa Hīgra wā geelg pugē, la a yaa kiuug b sēn zisgde līslaambā nengē, a tara ziir sēn welge n yi yuumdā kiisā sēn kellā, la a zāngā fāa noorā loeesā yaa līslaangā zeng-raad a nu wā yembre.

Ramadaanā no-loeerā yē: yaa tūudm ne Wēnde A naam zēkame ne yōk-m-menga n yi rūbo la yūubu la kēed-n-taare, la sēn kaood noorā fāa, n singd tōd-beoogā n ti tāag wīndgā lūuse Ramadaanā kiuugā sēn yaa Albarkā woglmā gilli

Zeng-raoog a nu soaba: Yaa Wënd Lohorom Roogā kaagre.

A yeelame A Naam Zēkame: {la roga nebā ti b kaag Roogā Wënd yīnga, sēn paam a sor n na tug be,} [Aalu- [mraan: 97]. Hagiimdā yitame ne ned sēn tar sor tōgo n tug beenē, a yaa vugri vumā pugē, yē me yaa Lohorom Roogā toglo la zīis nins sēn yaa zī-yilma sēn be Maka, n tug n maan tūudum-rāmbā b sēn mi, wakat-rāmba b sēn mi pugē, la sīd la hakuka, Nabiyaama-Wënd puusg la A tilgr be a yīnga- maana hagiimdā, la nabiyaam-rāmb me sēn ka yēnda maana hagiimdā sēn reng yē taoore, la Wënd sagla a [braahiim tilgr be a yīnga, t'a bool nebā ti b wa maan hagiimdā, wala Wënd sēn togs rēnda, Alkurāan wagellā pugē, A Naam zēkame, n yeele: {La moon n bool nebā ti b wa maan hagiimdā. B na n waa fo nengē n kēnd nao la ne rūm-zombds buud toor-toore, n yit zī zārg fāa n watē.} {Al-hağ 27}

M rat n na n bānga Sīd-kūunā (Lumaoongā) zeng-raado:

B soka Nabiyaamā -Wënd puusg la A tilgr be a yīnga- Sīd-kūun sēn yaa a soaba, t'a yeele: (Yaa f kō sīd ne Wēnde, la A malēgsā la A Gaf-rāmbā la A tēn-tuumbā la laahr (yaoolem) daarā, la f kō sīd ne kordgā (A Pulungā), a noogo la a toogo) Sīd-kūunā zeng-raadā, bāmb la sūurē tūudum-rāmbā, sēn ya tilae n zao ne līslaam fāa gilli, la ninsaal līslaoong ka manegde, rēndame t'a loe a sūurē wā ne-a n wāage, rē n kit ti b pud-a ti sīd-kūun (lumaoongo) zeng-raado, la yēnda ne līslaoongā zeng-raadā welgrā, yaa ti līslaoongā zeng-raadā, bāmb yaa tuumd sēn yaa vēenega, ti ninsaal maand-b ne a yīn-wilā, wala fo sēn na n yeel Kaset (Šahd) a yiibā la Puusgā la Zakā, la sīd-kūunā (lumaoongā) zeng-raadā bāmb yaa sūurā tuuma ti ninsaal maand-b ne a sūurā, wala: kō-sīd ne wēnde la A Gaf-rāmbā la A Tēn-tuumbā.

Sīd-kūunā sēn rat n na n yeelgā la a vōorā: la yēnda yaa sūurā sīdgrā sēn loe ne Wēnde, la A malēgsā, la A Gaf-rāmbā la A Tēn-tuumbā, la yaoolem raarā, la Alkadā (Pulungā), a noogo, la a toogo, la Nabiyaamā sēn wa ne būmb ningā pugbo -Wënd puusg la A tilgr be a yīnga- la a maanego: n gom ne zelemde, wala

yeelgo: "ti soab ka be ti sā n ka Wëndā". La Alkurānā karengo, la Subhaanallaah la Laa'laaha [lallaah maanego, la Wënd pēgrā.

a leb n yaa tuuma ne yīn-wil nins sēn vēnegā, wala Puusgo, la no-loeere, la hagiimdu, la yīn-wil nins sēn solgā, sēn yag ne sūurā, wala Wënd noanglemā la A zoeesā la bobl-f-meng ne-A, la maan pu-peelem ne-A.

La bāngdbā togsd-a la koεeg-koεega, ti yēnda yaa: loεeg ne sūuri, la yeelg ne zelemde, la tum ne yīn-wila, a paasdame ne tūudum, n poogd ne Wënd kusgo.

Zeng-raoog rāeenga: yaa kō-sid ne Wēnde

A yeelame A Naam Zēkame: {Ad sid-kōtbā la neb nins sēn kō sid ne Wëndā } [Annuur 62]

Kō-sid ne Wëndā, tūuda ne A yembgo A Rubuubiya wā pugē (sobendē wā,) la A Ulubhiya wā pugē (A tūubē wā) la A Asmaa'u pugē (A yuy wā) la A Sifaatē wā (A sif-rāmbē wā) yē me yaa būmb sēn kumbd sēn watā:

Yaa f kō sid ne A belmā, A Naam yilgame n zēke.

Kō-sid ne A sobendā, (Rubuubiya) A Naam yilge n zēke, la A yaa būmbā fāa Soaada, la a naanda, la a rilgda, la a yellā Rabsda.

Yaa kō-sid ne A Ulubhiyā wā (A tūudmā), A Naam yilgame, la yaa Yē me n sōmb ne tūudumā Yēnd A Yembre lagem-n-taag ka be ne-A būmb baa a yembr pugē ye: sēn be b pugē: yaa Puusgā, la doaag kosgo, la pulungo, la kodgre, la sōngr kosgo, la gūudum kosgo, la tūudum-rāmbā fāa gill a taabā. la kō sid ne A Asmaa'u wā (A yuyā) sēn maneg zāngā la A sif-rāmbā sēn zēkā, A sēn sif A Mengā ne wā, maa A Nabiyaamā sēn sif-A ne wā -Wënd puusg la A tigr be a yīnga- la fo bas būmb ning Wënd sēn ka sif ne-A mengā, maa A nabiyaamā me ka sif-A ne-a -Wënd puusg la A tigr be a yīnga- sēn yaa yuy la sif-rāmba, la kō sid t'A yuyā la A sif-rāmbā, b taa tēka pidb la sōmblem wēngē, la ad būmb ka be n wōnd-A, Yē n leb n yaa Wumda n yaa Neta.

Zeng-raoog a yiib soaba: yaa kō-sid ne malēgsā

A yeelame A Naam Zēkame: {Pēgr be ne Wēnde, sēn yaa saas la tēng Naandā, sēn maana Malēgsā ti yaa tēn-tumdbā, sēn tar pigs a yiib-yiib la tāab-tāab la naas-naase, A paasda A sēn dat naanegā pugē, ad A yaa būmb fāa Tōoda.} [Faaturu 1]

D kōta sid ti malēgsā yaa dūni sēn solg ne tōndo, la ad b yaa Wënd yembse, A naan-b lame ne nuura (vēnem), n maan-ba ti b yaa tūudba, n yaa gāneg-m-mens-rāmb ne-A.

La bāmb yaa bōn-naands sēn yaa wusgo, b pāngā la b sōorā ka tōe bāng a tēka sā n ka Wēnde A Naam zēk yā, la b yembr fāa tara sif-rāmba la yuy la tuuma Wënd sēn welg ne-ba, la sēn be b pugē yaa a Gibriil tigr be a yīnga, b sēn bobl a soab ne Wahī wā, t'a sigd ne-a n yi Wënd nengē A Naam zēkame, n tugd A tēn-tuumbā nengē.

Zeng-raoog a tāab soaba: yaa kō-sid ne Gaf-rāmbā

A yeelame A Naam Zēkame: {Yeel-y: "d kōo sid ne Wënd la A sēn sik n kō tōndā la A sēn sik n kō a [braahum la a [smaaul la a [shaak la a Ya'akuub la Yagensā la b sēn kō a Muusa la [isa la b sēn kō Nabiyaam-rāmbā sēn yi b Soabā nengā wā, tōnd pa welgd baa a yembr b pugē ye, tōnd me yaa sak-n-tū-rāmba ne-A} [Al-bakara: 136]

Kō-sid sēn kenge, ti ad Gaf-rāmb nins sēn sig saasē wā fāa gilli, yaa Wënd goama.

la ad b sik-b lame n yi Wënd nengē A naam yi wagelle n zēke, n kō A Tēn-tuumbā, ti b tug ne A yembse wā, ti yaa sīda sēn yaa vēnega.

la d kō sid ti Wēnde, A Naam yi wagell n zēke, A sēn tums A Nabiyaam a Muhammadā -Wënd puusg la A tigr be a yīnga- n tug nebā fāa gill kep nengē wā, A yēesa ne a Muhammad Šari wā Šari-rāmb a taab nins sēn da reng taoorā, la A maan Alkurāan wagellā, ti yē yaa sēn wa n ta n yāmb gaf-rāmb nins fāa sēn da reng taoor n sig saasē wā, a leb n yēes-ba, la ad Wēnde, a reega A zugē, n na n gūus Alkurāan wagellā n yi tedgr buudu, maa toeengo, t'A yeele, A Naam Zēkame: {Ad yaa Tōnd n sik Alkurāanā, la ad yaa Tōnd n na n gū-a.} [Al-hiğri 9], Bala Alkurāan wagellā, la Wënd Gaf-rāmbā baasdga, A Naam zēkame, n tug ninsaalbē wā, la A Nabiyaam a Muhammad -Wënd puusg la A tigr be a yīnga- yē la tēn-tuumbā fāa baasdga, la lislaoongā dīnā, yē la dīn ninga Wënd sēn yar-a ne ninsaalbā, n na n tug n tāag dūni yikri, Wënd yeelame, A Naam zēkame: {Ad Dīnā Wënd nengē yaa Lislaoongā} [Aalu- [mraan: 19].

La saasē Gaf-rāmb nins Wënd sēn togsb-a -A naam zēk yā- A Gafā pugē wā, bāmb yaa:

Alkurāan wagellā: Wënd sik-a lame, A nabiyaam a Muhammad zugu -Wënd puusg la A tigr be a yīnga- Taooraatā- Wënd sik-a lame, A Nabiyaam a Muusa zugu, tigr be a yīnga.

Lingiilā: Wënd sik-a lame, A Nabiyaam a lisa zugu, tigr be a yīnga.

Zabuurā: Wënd sik-a lame, A Nabiyaam a Daawuud zugu, tigr be a yīnga.

A [braahum gaf-rāmbā, Wënd sik-b lame, A Nabiyaam a [braahum zugu, tigr be a yīnga.

Zeng-raoog a naas soaba: yaa kō-sid ne tēn-tuumbā

A yeelame A Naam Zēkame: {La ad Tōnd tumsame ti kēng zāma fāa nengē Tēn-tuuma, (t'a yeel-ba): "tū-y Wēnd la y zāag rubsā}. [Annahlu :36]

Yaa sidgr sēn kenge, ti ad Wēnde, A Naam zēkame, A tumsa zāma fāa pugē tēn-tuuma, ti boond-b n tugd Wēnd tūudumā, Yēnd a Yembre lagem-n-taar ka be ne-A ye, la b kufleg ne būmb ning fāa sēn tūudi zēng sēn ka Wēnde, A Naam zēkame.

la b kō sid ti ad b (tēn-tuumbā) fāa gilli, b yaa yīng rāmba, n yaa rapa, n yaa Wēnd yembse, b yaa sid-rāmba n yaa b sēn sidgb-rāmba, n yaa Wēnd zoetba, n yaa bas-m-yam-rāmba, n yaa kāndagdba, n yaa pægdba, Wēnd keng-b lame ne yel-soalem-rāmba, sēn wiligdi b sidā, la Wēnd sēn tum-b ne yel ninsā fāa gilli b taasame, la b fāa gilli b ra bee sid la kāndagr sēn yaa vēeneg zugu.

la b boollā fāa zemsa taaba, sēn na n sing b singrē n ti tāag b baasgē wā, sā n yaa ne dīinā yēgr wængē, yē me la Wēnd yeembgā -A naam yi wagell n zēke- tūudumā pugē la b ra maan lagem-n-taarā ne-A wā.

Zeng-raoog a nu soaba: yaa kō-sid ne laahr (Yaoolem) raarā

A yeelame A Naam Zēkame: {Yaa Wēnde, soab kae sēn tūud n tilge rēnda Yē, A na n tigma yāmb neere āndūn-yikr rāarā, sik ka be, la ānd goam sida n le yud Wēnde?} [Annisaa'u 87]

Yaa sidgr sēn kenge, ne būmb ning fāa sēn kēed ne Yaoolem raarā, tōnd Soabā, A naam yi wagell n zēke sēn togs būmb ningā, A Gaf wagellā pugē, maa tōnd Nabiyaamā, a Muhammad, Wēnd puusg la A tilgr be a yīnga, sēn yēs tōndā, wala ninsaal kūmā la yikrā kūmā poorē wā, la alkiyaoom raar seg-taabā, la Šafaa'u wā (sugsgā) la miizaanā (zislem peesgā) la hīsaabā (Geelgā), la arzānā la Bugmā, la zēng sēn ka rē sēn yag ne Yaoolem raarā.

Zeng-raoog a yoob soaba: yaa kō-sida ne Alkadrā (pulengā), a sēn noom la a sēn toe

A yeelame A Naam Zēkame: {ad Tōndo, būmbā fāa D naan-a lame ne geelgo.} {Al-kamaru 49}

Yaa loe sūurē wā ti būmbā fāa sēn paamd bōn-naandsā sēn yaa yela dūni-kāngā puga, ad yaa sēn tū ne Wēnd minim la A kordgo, A Naam yi wagell n zēke, la A rabsgo, Yē, A Yembr tāa, lagem-n-taag ka be ne-A ye. A leb n bāng ti alkadrā (Pulung-kānesā) yaa būmb sēn gulse taor ti ninsaal meng na n ka naan ye, la a bāng ti ninsaal me tara raabo la tulsem, la ninsaal n tumd a tuumā hakuk pugē, la rē fāa gillā, a ka yit Wēnd bāngrā la A raabā la A tulsmā pugē ye.

Rēnd kō-sid ne Pulungā a yikda yel a nu zugu:

a rāeenemā: yaa kō-sid ne Wēnd bāngrā sēn gūbg būmbā fāa wā

yiib soaba: yaa kō-sid ti Wēnd guls būmbā fāa sēn na n yi n tug n tāag dūni Yikr raare.

Tāabo: yaa kō-sid ne Wēnd tulsmā sēn yaa tilae ti yi wā, la A tōogā sēn gūbgā, rēnd A sēn tull būmb ningā yitame, A sēn ka tullā ka yit ye

Naase: yaa kō-sid ti Wēnd la būmbā fāa naanda, lagem-n-taag ka be ne-A, A bōn-naandsā pugē ye.

M zamsda koom yōgbo

A yeelame A Naam Zēkame: {ad Wēnd noanga tuubdbā la A noang ylgdbā} [Al-bakara 222] A yeelame, Wēnd puusg la A tilgr be a yīnga: (Yōge wala mam koomā yōgbā buudu) Sēn be Puusgā yellā bedrem pugē, yaa Wēnd sēn maan ylgre a taorā, n maan yilgrā ti yaa sart ne Puusgā manegre, rēnd yaa yē la Puusgā kulen-bila, la ning a bedrmā f yamē wā a maanda sūurā ti yaa sēn tar noang kegenga n tug Puusgā, A yeelame-Wēnd puusg la A tilgr be a yīnga: (Yilgrā, a yaa lumaoong pusuka, la Puusgā a yaa vēenem) la a leb n yeelame -puusg la tilgr be a yīnga: (Ned ning sēn yōka koom, n maneg a koomā yōkre, a tuum tuuti wā yita a yīngē wā)

Rēnd yamba, a tugda a Soabā nengē, t'a yaa sēn yilge, yilgr ning sēn ne vēenega, a sēn maan tūudūm kāngā sēn yaa koomā yōgbo, la yilgr ninga b sēn ka ne-a ne nifu, ne A sēn maan tūudum-kāngā wā, t'a yaa sēn yilg a pug ne Wēnde, A naam zēkame, n tik Nabiyaamā na-kēndrā sorā, -Wēnd puusg la A tilgr be a yīnga-

Būmb ning sēn sōmb n yōk koom n yaool n maano:

1-Yaa Puusgo, sēn wa n yaa a soab gilli, zem ti yaa farila maa yaa Naafila.

2-Wēnd Roogā gilgrā (Tawaafu).

3-Alkurāanā susgo

m yōkda koom la m so ne ko yilenga

Koom sēn yaa yileng yaa: koom fāa sēn sigd saasē wā maa a bulame n yi tēngē wā, n ket n be a yalē wā, t'a sif a tāabā yembr ka tedg ye, yē me la a kōbgā, la a noomā la a yūuga, ka tedg ne būmb ning sēn tōe n yiis-a koom yilgemdē wā ye.

M zamsda koom yōgbo

rāeenem nao-yakemdā 1: yaa Anniy wā, yē me zīigā yaa sūurē wā, la Anniy wā maaneg vōore, yaa sūurā sēn na n loe t'a na n tuma tūudmā, ti yaa sēn na n bao pēnegre ne Wēnde, A Naam zēkame:

Nao-yakemda a yiib soaba 2: yaa nus tala a yiibā pekre
 Nao-yakemd a tāab soaba 3: yaa noorā wugsgu
 noorā wugsgu: yē yaa koomā kēesgo noorē wā, n wugs-a rē poorē t'a yiis-a
 Nao-yakemd a naas soaba 4: yaa yōyā vēesgo
 Yōyā fēesgo yaa f sēn na n fōog koomā ne f vuusmā n kēes hal yōorā pugē.
 Rē poorē, yaa fēes n yiis-a: yē me yaa sēn na n yiis būmb ning sēn be yōorē wā, sēn yaa yō-vēto la zēng
 sēn ka yī rēnda ne fēesgo.
 Nao-yakemd a nu soaba 5: Yaa nengā pegre
 Nengā toaaga:
 Nengā: fo sēn togl ne būmb ningā fāa yaa nenga.
 La a yalmā tēka: yaa sēn na n sing tubrē wā n ti tāag tubr a yembrā.
 La sã n yaa woglemā: yaa sēn na n sing zugā zoobd sēn minim n būldē wā, n tug n tāag lemdā tēkē.
 La nengā pekr gūbga būmb fāa sēn be nengā puga, sēn yaa kōbd sēn yaa faaga, woto bala, ne peelmā n
 lagem ne tub kōbdā fāa gilli.
 La sēn yeel ti peelmā yaa būmb ning sēn be tub kīdrā la tub vāoogā meng suka
 La tub kōbdā yē: la kōdā sēn be kōbr ning sēn be tubrē wā n nukā n gūbg tubrā gillā, sēn yēgleg tubrā
 vōorā, la sēn sedg n sig yepeoogē wā.
 La woto bala, nengā pekrā gūbgda b sēn ne wā fāa gilli, n naag ne zoob taoko sēn yaa toεnga zoobdā,
 la būmb ning fāa sēn zorge n yi zoobdē wā.
 na-kēndr a 6: yaa nus a yiibā pekre, n na n sing nus-biyā zutu, n tug n tāag kāntus a yiibā
 la kāntus a yiibā kēeda nusā pekrē sēn yaa tīlae wā.
 na-kēndr a 7: yaa zugā fāa saagre, ne nus a yiibā n lagem ne tubā noor vugri.
 a na n singa zugā singrē, n ti kēng hal kāarē wā, n le lebg n wa ne-ba
 la a kēes a nus-bi teesdsā a tub a yiibē wā.
 la a yiisda a nus-raad a yiibā a tuba yingā, n saag ne bāmba tubrā yinga la a pugē wā.
 na-kēndr a nii soaba 8: yaa nao a yiibā pekre, n na n sing na-biē wā n ti tāag hal na-kugē wā, la na-kug a
 yiibā kēeda nao a yiibā pekr pugē sēn yaa tīlae wā.
 nao-kug a yiibā bāmb la: kōab a yiib nins sēn nudg karga tēngrā.
 Koom kaooda ne yel-kāensā:

1-Sēn yit soy a yiibē wā, wala ruudem la we-kεnga, la sēedo, la mani la mazi
 2-yaa yam yikri, sēn tū ne gōeem sēn zise, maa vūbgri, maa suubu, maa gāeemdo.
 3-yaa būmb fāa gill sēn maand ti yaa tīlae ti b so koom, wala Gεnaabo, la Pekre, la rogem zum.
 Ned sã n maan we-kεnga, a sōmbame n yēes rēgdā ne koom sēn yaa ylgemde la yēnda sōmblem n
 yūde, maa zēng sēn ka koom, sēn yaa būmb ning fāa sēn yēesd rēgdā, wala kuga la vāto, la kudse la sēn
 wōnd rēnda, la ya a yī yēesg a tāabo sēn ylgde maa sēn yūd rē, la leb n yī būmb sēn yaa ylgemde, n yaa
 būmb Šari wā sēn kō sore.

Nao-wuudā la susetsā saagre.

Sã n mikame ti f ninga nao-wuud a yiibu maa sosetse sakdame ti f saag-b yiibā, n ka tar tulsem n na n
 pek a nao a yiibā ye, la yaa sēn tū ne sart-rāmba, bāmba la:
 1- yaa sēn na n mik t'a ning-b lame a sēn yaa ylgemd poorē, n ylg n yī rēg baoonego, maa rēg bedre, ti
 mik t'a rag n pek a nao wā ylgmd-kāngā pugē.
 2-yaa nao-wuud a yiibā yī ylgemde, n ka rēgd ye.
 3-yaa ti saagrā yī wakat ning toaag b sēn yāk n kō wā.
 4. yaa ti nao-wuudā yī n yaa halaale, wala b ra yī b sēn zu maa sēn fā ye.
 Nao-wuud a yiibā bāmb: yaa būmb ning b sēn pit naoorē, ti yaa gāongo n yaa faaga la sēn wōnd rē, la a
 bilgri yaa wala neoodā nins sēn lut na-kāseng-kāyā.
 la sã n yaa ne sosets a yiibā, yaa būmb ning ninsaal sēn pit a nao wā, sēn yaa peende, la sēn wōnd
 rēnda.
 4- Šari wā sēn kō sor ne nao-wuud a yiibā saagrā hikma (vōore).
 Šari wā sēn kō sor ti b saag nao-wuud a yiibā, a hikma (vōorā), yaa sēn na yilē n maan ti yī naana la
 yolse līslaambā zugu, rāmb nins sēn yaa toog ne-ba ti b pidg nao-wuudā n pek nao a yiibā, la sēn tug n
 yūda waoodā sasa, la wala so-took zugu.
 Saagrā woglemā:
 Sã n yaa ned sēn be yiri: yaa raar la yungo, (wakat 24 pugē)
 Sã n yaa kēnkēnda, yaa rasm a tāabo, ne b yundā fāa (wakat 72)
 Saagrā sōorā singda geelgo, a rāeenem saagrā koomā kaoob poorē wā.

Saag nao-wuudā zugu, a sifā wā (bilgrā) sēn yaa a soaba:

1. madgda nus a yībā.

2-kēng ne nugā nao-tagdt wā yīngri, n sing na-biē wā n tug tāag kargā singrē.

3-Saagda ntg na-tallā ne ntg nugā la saag goabg naorā ne goabg nugā.

Būmb ning sēn sāamd saagrā:

1-yaa būmb ning sēn maand ti koom soob yaa tilae wā

2. yaa saagrā wakat sēn na n se

Koomā soobo

Kēed-n-taar sā n zīndi ne rawa maa paga, maa mani yīi b yībā nengē ne wum-noogo, nenem maa yaa b gōeem wakato, yaa tilae ne b yībā ti b so, bui yīng ti b na tōog n puuse, maa b maand būmb ning yilgr sēn yaa tilae a pugē wā. Woto bala la paga, a sā n yilg n yi Pekre la rogem zūm, yaa tilae ne-a t'a so taor t'a na n ka puus ye maa yaa būmb ning sēn yaa tilae ti b yilg n yaool maand-a.

la koomā soob (Sifa) bilgri:

Yaa ti lslaam gūbg a yīnga gill ne koom, a sēn yi neng ning fāa gilli, la sēn be a pugē, yaa noorā wugsgu la yōya fēesgo, rēnda a sā n gūbg a yīngā fāa ne koom, rēg-kāsengā zēk n bas-a lame ti yilgrā yaa sēn pidi.

b gidga ne genaab-soaba yel nins sēn watā hal t'a wa so koom:

01 Puusgo

02 Wēnd Roogā gilgri (Ṭawaafu).

03 Miisr pugē zīnd n kaoose, la sakda ne-a t'a puug bala, n ka zīnd n kaoose.

04 Alkurāanā susgo

05 Alkurāanā karengo.

Tēema wēebo.

Lislaam sā n ka paam koom a sēn na n yilg a meng ne-a, maa a ka tōe n tum ne koomā bāag yīnga la sēn wōnd rē, la a yēesdē ti Puusgā wakatā na n pōsg-a lame, rēnda a wēeda tēem ne tom.

la a sifā, yaa a wē a nus a yībā ne tēngā vugri n saag a nengā la nus tala a yībā bala. la yaa sart ti tomā yi yilgemde.

Tēema wēeb sāamdame ne yel-kāensā:

1-Tēemā wēeb kaodame ne būmb ning sēn kaood koomā yōgbā

2-Koom sā n paam taor ti yē na ka sing tūudum ning a sēn wē tēemā n na n maand

M zāmsda Puusgā

Wēnd roglā lslaama, wīndg la yung pugē, Puus-rāmb a nu, bāmb me yaa Fagiri la Zafare la Laasare la Magriba la Sāanfo.

M segendame n na n puuse

Puusgā wakat sā n ta, lslaam yilgda a menga n yi rēg-bāanese la rēg-bēda, sā n mikame t'a rēgma rēgd sēn yaa bedre.

Rēg-bedrā, yēnda yaa būmb ning sēn maand ti yaa tilae ne lslaam t'a so wā.

La rēg-bāanegā, yē yaa būmb ning sēn maand ti yaa tilae ne lslaam t'a yōk kooma.

Lislaam puusda ne fut sēn yaa yilgemde, zīg sēn yaa yilgemde n yi rēgdo, t'a yaa sēn lud a yāndā.

Lislaam nagda ne fut sēn toge Puusgā wakato, n lud a yīnga ne fuugā, la ka sōmb ne rao Puusg pugē t'a vēneg būmb sēn be yūugā ne rūmā suk ye.

yaa tilae ne paga t'a lut a yīnga fāa Puusgā pugē, sā n ka a nengā la a tal a yībā.

Lislaam ka gomd Puusgā pugē, rēnda wala goam nins sēn welge toor ne Puusgā, la a sīndame n kelgd

limaamā, a ka wēnesd a Puusgā pugē ye, la a sā n ka tōe n ruls goam nins sēn welg toor ne Puusgā,

rēnd a tēegda Wēnd Yuure, n maand Subhaanallaah hal n wa ti sees Puusgā, la yaa tilae ne-a t'a yāge n zāms Puusgā la a karem Puusgā gom-biisi.

M zāmsda Puusgā

rāeenem na-yakemdā 1: yaa Anniy wā rikre ne faril ning yē sēn rat n na n kō wā, la a zīgā yaa sūurē wā.

M sēn yōk koomā n se poorē, m teesda Alkiblā n puus ti m yaa sēn yase m sā n tōe rēnda.

na-kēndr a yīb soaba 2: m zēkda m nus a yībā, n yēgl m bāgd a yībā, n yeele:" Allaahu Akbaru" ti m yaa sēn maand m Anniy wā, n na n kē Puusgā pugē.

na-kēndr a tāab soaba 3: m karemda Puusgā pakr doaaga, būmb ning sēn wa n yi Nabiyaamā nengē wā,

la sēn be rē pugē, yaa yeele: (Subhaanaka Allaahumma wa bi hamdika, wa tabaaraka'smuka, wa

ta-'aalaa ḡadduka, wa laa'laaha Gayruka= m Soab a Wēnde, F yilgame, la m pēgd-Fo, F Yuur yi wagelle,

F zislem zēkame, soab ka be zēng sēn ka Foom ye) na-kēndr a naas soaba 4: m kota gūudum n yi a

sutāana, b sēn rig a soab n zāag yolsgā, n yetē: (Aʿuuzu Billaah! Minaš-šaytaanir-ragiim) na-kēndr a nu soaba 5: m karemda Alhamdo, rakaar fāa pugē, yē me la: D na n singa ne Wēnd Yuurā Albarka, sēn yaa Dūni yols-zāng Naabā, n leb n yaa Sid-kōatbā welg n yols Naabā (1) Pēgr tiging be ne Wēnde sēn yaa bōn-naandsā Naabā (2) sēn yaa dūni gubg-n-yols Naabā, n yaa Yaoolem raar welg-n-yols Naabā (3) n ya dīnā rolb raar Naabā (4) Foo bal la d tūuda, la Foo bal la d kot sōngre (5) kāndg-d n tug so-turgē wā (6) B rāmb nins Fo sēn maan neemā b zugā sore, zēng ti pa B sēn gē-b rāmbā, pa sēn menembā sore.(7)) M karemda Alhamdā poorē, būmb ning sēn yaa naana ne maam Alkurāanā pugē, rēenem rakaarē wā la yībē soabā tēka Puusgā fāa pugē, la woto ka būmb sēn yaa tilae ye, la ad yaa keoor sēn yaa zisgo n be a maanegā pugē.

Na-kēndr a yoob soaba 6: m yetame: "Allaahu Akbaru", rē poorē ti m maan Rukuu (zōonde), hal ti m poorā zems taaba n yaa sas, ti m nus a yībā yaa sēn be m rūm a yībā zugu n yaag nus-bi wā, rē poorē ti m yeel Rukuu wā: "(Subhaana Rabiya Al-ʿAzim" m Soab Zisgā yilgame).

Na-kēndr a yopoe 7:soaba: m roogdame n yi Rukuuē wā, n yeele (Samiʿa Allah lman hamidahuu), ti m yaa sēn zēk m nus a yībā n ti zems ne m bāgdā, ti m yīnga yōgne, n yals n yeele: "(Rabba naa walakal hamdu).

Na-kēndr a nii: 8 soaba: m yetame: "Allaahu Akbaru, n maan Suḡuudu m nus a yībā la m rūm a yībā la m na-tagds a yībā la m rīrā la m yōorā zugu, la m yeel m Suḡuuda pugē (Subhaana Rabiya Al-ʿalaa= m Soab Zēkdgā Naam yilgame)

na-kēndr a wae:9 soaba: m yetame: Allaahu Akbaru= Wēnd n yud bedrem) n rooge n yi Suḡuudē wā hal n wa zīnd zānga, ti m poorā yaa sēn tēege, n zī goobg na-tagdrā zugu, n sel rtg naoorā, n yeele: (Rabū igfir li= m Soab a Wēnde, yaaf-ma).

Na-kēndr piig soaba: m yetame: (Allaahu Akbaru) Wēnd n yud bedrem) n lebg n tiuul (maan Suḡuudu) yesa wala rēenem Suḡuudā.

Na-kēndr piig la a yembre: m roogdame n yi tiuulgē (Suḡuudē) wā, n yeele: Allaahu Akbaru= Wēnd n yud bedrem) hal n wa tug n tēege, n yals turga, la m maanda Puusgā Rakaar-rāmbā sēn kellā fāa pugē, wala m sēn maan rēenem Rakaarā bilgri.

Zafarā la Laasarā la Magribā la Sāanfā rakaar-rāmb a yībā loogr poorē, m zīndidame, n maan Attašahud rēengā, la yē me la: (Attahyaatu Lillaah! waṣṣalawaatu waṭṭaybaatu, assalaamu ʿalayka, ayyuha'nnabiyyu, wa rahmatullaah! wabarakaatuhuu, assalaamu ʿalaynaa, wa ʿalaa ʿibadullaah aṣṣaalihuna, ašhadu anlaa ilaaha illa Allaahu, wa Ašhadu anna Muḥammadan ʿAbduhuu wa rasuuluhuu = Puus-rāmb be ne Wēnde, fāagr la Yilma be ne Wēnde, Tilgr be ne foom a Nabiyaama, la Wēnd yolsg la A barka, Tilgr be ne tōnd la Wēnd yemb sōmsā, m tabenda m sūurē ne hakuk ti soab sēn na n tū n tilg kae rēnda Wēnde, la m maand kaset t'a Muḥammad yaa A yamb la A Tēn-tuuma) Rē poorē ti m leb n yik n kēng Rakaar a tāab soabā wānde poorē. Raka baasgā poorē, Puusg fāa pugē, m zīndidame n karem Šahd baasdgā, yē me la woto: (Attah! yaatu lillaah! waṣṣalawaatu waṭṭaybaatu, Assalaamu Alayka Ayyuhannabiyyu wa rahmatullaah wabarakaatuhuu, Assalaamu ʿAlaynaa, wa ʿalaa ʿibadullaah Aṣṣaalihuna, Ašhadu an laaʿlaaha illallaah, wa Ašhadu Anna Muḥammadan ʿAbduhuu Warasuuluhuu. Allahuḥma ṣalli ʿAlaa Muḥammadin wa ʿalaa aali Muḥammadin, kamaa ṣallayta ʿAlaa ʾbraahuma wa ʿalaa aali ʾbraahuma, innaka hamiidun maḡiidun, Allahuḥma baarik ʿalaa Muḥammadin wa ʿalaa aali Muḥammadin, kamaa baarakta ʿalaa ʾbraahuma wa ʿalaa aali ʾbraahuma innaka hamiidun maḡiidun.) na-kēndr piig la a yīb soaba: rē poorē, m ningda sallem goabg wēengē, n yeele (Assalaamu ʿAlaykum wa rahmatullaahu) la m ning sallem m rtg wēengē n yeele: (Assalaamu ʿAlaykum wa rahmatullaahu) ti m yaa sēn maan Anniy wā n na n yi Puusgā pugē la woto mam yaa sēn kis Puusgā.

Lislaam poak hiḡaabe (ludbu)

A yeelame, A Naam Zēkame: {Yaa foom a Nabiyaamā! Yeel f pagbā la f kom-pugli wā la muumin-rāmbā pagbā, ti b woglg b fu-bedā n maan ti kill n pēnege, ti rēnd n pē ne b na bāng-ba, n ka maan ti nong ta-b ye, la Wēnd yume n yaa Yaafda n yaa Yolsda} [Al-Ahzaab: 59] Wēnd maaname ti yaa tilae n rog ne lislaam poaka t'a lud a menga la a lud a yāndā la a yīngā fāa gilli n yi ra-zēmse, ne fut ninsi b sēn minimi b tēngē wā. La ka sōmb ne-a t'a yāk a ludbā sā n ka a sid taoore maa maa a rog-pētba, bāmb me la neb nins lislaam poak sēn ka tōe n fur-bā, ti ka tōe n furā yaa lae-lae, bāmb me: (Yaa ba, baa t'a sēn n zēke (yaaba), la biiga baa t'a sā n sigi (yagenga), la soom-bi la kāsēmse la yes-rāmba, la tǎo, la tǎo biiga la tao poak biiga, la ma sida, la sida baaba, baa t'a sā n zēke, (yaaba) la sida biiga, baa t'a sā n sigi, (yagenga), la tǎo yēseng wēengē, la mo-yēsmd sida. La yēsengā haramda (gidgda) būmb ning sēn gidgid buudē wā)

La lislaam poak gūusda a yeremē wā yel sānda:

Pipi soaba: yaa yīngā fāa gūbgri.

Yiib soaba: yaa ti pag sēn yer būmb ningā ra yi nagem ye
 Tāab soaba: yaa t'a ra yi yāasenga n vēnegd a yīnga ye.
 Naas soaba: yaa t'a yi yalgemde, n ka yi sēka, n wīnigd a yīngā ye.
 Nu soaba: yaa t'a ra ning-a parfē ye.
 Yoob soaba: yaa t'a ra wōneg rao fut ye.
 Yopoe soaba: yaa t'a ra wōneg sēn ka lslaam pogsā futā b tūudumē wā maa b tigā fut ye.
 Sēn yi Muumin (sīd-kōt) sīf-rāmbē
 A yeelamem A Naam Zēkame: {Neb nins ti b sā n tēeg Wēnd yell bi b sūyā rigdā, bāmb bal la sīd-kōtba;
 la b sā n karem A goama me ti b wome, a paasd-b sīd-kūuni, la b Soabā me la b bobēnd b mensā.}
 [Al-anfaalu :2]
 A yaa sīd-soaba, a goam pugē a ka yagd zīri ye.
 A pidsda alkaoole la pulungo.
 A ka wēngde zabr pugē.
 A lebsda bobelle.
 A noanga ne a ma-bi taaga būmb ning a sēn noang ne a menga
 A yaa kōta.
 A manegdame n tugd nebā.
 A tōkda rogem.
 A yarda ne Wēnd kordga la a puusd-A barka yol-yol sasa la a maand sugri keelem wakato
 A yaa yān-zoeta.
 A yolsda bōn-naandsā.
 A sūurā tūgame n yi sū-kīiri, t'a yīn-wilā tūg n yi maan-n-zuug nebā zugu
 A basdame ti loogd nebā yīnga.
 A ka nt rbaaga a ka tum ne rbaaga.
 A ka yoode.
 A ka yūud rāam.
 A manegdame n tugd a yagsā.
 A ka wēgde, a ka zāmbde.
 A ka zuudi la a ka maand silem ye.
 A yaa manegd ne a roagdb a yiibā, baa ti b sā n ka lslaamba, la a tūud b noore manegr pugē.
 A wubda a koambā zug-wagell zugu, la a wiligd-b Šari wā yela, la a gidg-b n yit zug-wēnse la
 haraam-rāmba.
 A ka wōnesd a meng ne zēng sēn ka lslambā tuuma, sēn yaa b dīinā yelē, maa b rog-n-mikā yel nins sēn
 lebq vūun ne bāmbā.

Mam sū-noogā mam lslaongā dīinā pugē

A yeelame, A Naam Zēkame: (Ned ning sēn tuma sōma, yaa raoa ti yaa paga, ti yē yaa sīd-kōta, D na
 vums a soab vum sēn yaa ylenga, la D na rol-b keoor sōmblem sēn yud b sēn da yi n tumdā.) [Annaḥlu:
 97] Būmb sēn tug n yud sēn kēesd sū-noogo la yardo lslaam sūurē wā, yaa a sēn kell n tuk tūrga ne a
 Soabā n ka baood ned na kē a suka, zem ti yaa vitbē wā maa yaa kiidbē wā, bi yaa rubse, bala Wēnde, A
 Naam zēkame, a togsa a Gaf wagellā pugē, t'A yaa pēt ne A yembsā wakat fāa, A wumd-b lame, A
 reegda b kosgā, wala A sēn yeele, A Naam zēkame: (la Mam yembsā sā n sok foo Mam yelle, rēnd Mam
 pēeme, M deegda boand boolgo, t'a sā n bool-Ma, bi b maan M sēn na reeg b yīnga la b kō sīd ne-Ma ti
 sānd-sānde b na kānde) [Al-bakara: 186], La A sagla tōndo, A Naam yūgame, ti d kos-A, n maan
 yel-kāngā ti yaa tūudum-rāmb sēn yud zislem, lslaam sēn baood pēnegr ne a Soabā nengē, ne A sēn
 yeele, A Naam yi wagell n zēke: {la yāmb Soaba yeelame: "kos-y-Ma ti M na reeg y yīnga} [Gaafir: 60],
 Rēnd lslaam sēn yaa tūrga, wakat fāa a tara tulsem n tug a Soabā nengē, la a koat-A wakat fāa, la a
 baood pēnegr ne Wēnde ne tūudum-rāmb nins sēn yaa sōmā wā:
 La Wēnd maana tōndo, dūni-kāngā puga, A Naam zēkame, ne būmb ning yīnga sēn yaa bedre, A ka
 naan tōndo zaalem ye, yē me la Wēnd tūudum, A Yembr tāa, lagem-n-taag ka be ne-A ye. La A maana
 dīin n kō tōndo sēn yaa Wēnd dīini, sēn gūbg fāa gilli, n kumbd tōnd vumā yelā fāa gilli, sēn welge, la sēn
 gūbgi. La A leb n gū ne Šari-kāngā sēn yaa tēeg-tūrgā vumā yel nins sēn yaa tūlae wā, yē me yaa dīinā, la
 d yōyā la d burkīndā la d yamā la d arzēgsā. La ned ning sēn vuma n tūud Šari wā saglsā, n zāagd a
 menga ne haraam-rāmbā, rēnd yē soabā, a gūusa yel-kāensā sēn yaa tūlae wā, a vumdame ne zu-noogo,
 a sēn tar yīn-yōgnego a vumā pugē, sik sēn ka be.
 La lslaam tōkrā ne a Soabā, a yaa būmb sēn zulme, n maan yīn-yōgnego la bas-m-yam la sū-noogo, n
 leb n ningd a yamē wā ne Wēnd sēn be ne-a wā, A Naam yi wagell n zēke, la A sēn sōngd-a wā, la A sēn

noang A yambã sên yaa sîd-kõtã, Wënd yeelame, A Naam zêkame: {Wënd la sîd-kõtã lallda, A yiisda bãmba ligsê wã n tugd vëenemê wã} [Al-bakara: 257]

Tök-n-ta-kängã sên yaa zisgã, a yaa halhaal ninsaal sên wumd-a a yîngê wã, t'a talled-a t'a paam wum-noogo ne Arrahmaan (Yolsg Naabã) tûudum, n tar nonglem kegenga, n na n yek-A, n ykd ne sûurã n tugd zu-noog saagê ne a sên wumde lumaoongã noomã.

noog-kängã, noomã sên ka tõe n bilgã sã n ka ned ning sên leems-a ne tûudumã maanego la yel-wënsã zãagre, rê n kit ti Nabiyaam a Muhammad, Wënd puusg la A tilgr be a yîng, yeele-: (Ned ning sên yara Wënd ti yaa a Soaba, la lislaoongo ti yaa a dîini, la a Muhammad ti yaa a Tën-tuuma, a lembã sîd-kûun noom.)

N-yee! Ninsaal sã n ning a yamê wã wakat fãa t'a be a Naandã taoore, la a bäng-A ne A Yuyã la A Stîf-rãmbã sên be neerã, la a tû-A ti yaa wala yê ne-A lame, la a maan pu-peelem a tûudumã puga ne Wënd A Ye tãa, la a ka bao-A ne a tûudumã zëng sên ka Wënd A -Naam yi wagelle - a vumsda vum sên yaa ylgemde n yaa zu-noogo dîni kaanê, la baas-neere Yaoolem raarã.

Hal n ti tãag yel nins sên paamd sîd-kõta dîni pugê wã, ad a tuulmã göbgdame ne bäng-n-wãakã maasmã la yarda ne Wënd kordgã, A Naam zêkame, la a pëg-A A kordgã fãa sên yaa noogo la sên yaa toogo, la yard sên pid ne-a.

La sên leb n sômbê ti lislam maan noanglem ne-a bul yîng t'a zu-noogã na paase la a yîn-yögnegã, ya a sên na n tēegd Wënd Yuurã wusgo A Naam zêkame, la a sên na n karem Alkurāan wagellã, wala A sên yeelã A Naam zêkame: (Neb nins sên kô sîdã ti b sũyã yögend ne Wënd Yuurã tēegrã, la ad yaa ne Wënd Yuurã tēegr bala la sũyã yögenda) [Ara'adu: 28]. La lislam sên paas Wënd Yuurã tēegrã la Alkurāanã karengã fãa, la a pēnegrã ne Wënd sên kengde, t'a yōorã ylge, t'a sîd-kūunã kenge. Woto bala, sômba ne lislam t'a bu noanglem ne a dîinã yel karengo, a yëgê wã sên manegã, sên na yl t'a tû Wēnde, A Naam zêkame, ne minim, bala Nabiyaamã yeelame, Wënd puusg la A tilgr be a yînga-: (Bängr baoob yaa tilae n rog lislam fãa), La a leb n yi bas-m-meng soab n tû, n pugd Wënd saglsã, A Naam zêkame, Naab ning sên naan-a wã, zem t'a bänga sagellã vōore maa a ka bänge, bala A yeelame, A Naam zêkame, A Gaf wagellã pugê: {La ka segd ne sîd-kõt raoog la sîd-kōat poak ti Wënd la A Tën-tuomã sã n gāneg yell buud n se bi b le tall yam-yākri b yellã pugê ye, la ned ning sên kusa Wënd la A Tën-tuomã, rênd a menema meneng sên yaa vëenego.} [Al-Ahzaab : 36].

La Wënd na puus la A tilg tōnd Nabiyaamã a Muhammad la a zaka rãmbã la a tûud-n-taasã (Şahaabsã) gilli.

Pidame.

Sebrã buka

Limoro wã

Gom-zugã

Seb-nengã

Leb wagdgê wã

Këng gom-zutã fahras-rãmbê wã (pidsdimê wã).

Pui tōnd fo sên yã gafã wëengê

Wa loog n kaag sit elektronikã (zîigã)

Gafã sên leode n tumd ne nugê bängã (Telfōndã)

Tök n leb n këng gom-zugê wã

Tök sugã (foto) n lebg n këng wagdgê wã

Eskane QR koodã

Balleg sên yaa karengo poweer pōet (PowerPoint)

Tuumdã biisã

Gafã b sên wê n yiisi

Nugê bäng gafo

Zîig Ênternetã zugu

Pak ne poweer pōet (PowerPoint)

Gafã b sên segle ti weleg zall ne Ändroyudã limoro

Gom-koεεg sēn nafde, n kō lɪslaam paalā
Gomd tuusgo
Mam Soabā yaa Wēnde
Nabiyaama a Muhammad, -Wēnd puusg la A tɪlgr be a yīnga-
Alkurāan wagellā yaa mam Soabā goama.
M rat n na n bānga Lɪslaoongā zeng-raadā
M rat n na n bānga Sɪd-kūunā (Lumaoongā) zeng-raado:
M zamsda koom yōgbo
Nao-wuudā la susetsā saagre.
Koomā soobo
Tεεma wēebo.
M zāmsda Puusgā
Lɪslaam poak hɪǵaabe (ludbu)
Mam sū-noogā mam lɪslaoongā dīinā pugē